

郎

潛

紀

聞

郭潛紀聞卷五

鄞 陳康祺著

康熙五十一年土爾扈特汗阿玉奇從子阿喇布珠爾  
請內屬

詔封貝子尋遣歸

上命圖理琛等齎

敕往諭假道俄羅斯五十四年三月還京是役也往返  
三載餘經行數萬里蓋土爾扈特爲俄羅斯所隔而俄  
羅斯又故導我使紆行故也圖理琛等歸撰異域錄首  
冠輿圖次爲行記二卷進呈

上甚嘉悅

雍正七年以革職倉場侍郎托時

賞加侍郎銜出俄羅斯十年使回

雍正五年四月

命吏部侍郎圖理琛偕喀爾喀郡王額駙策凌等往定喀爾喀與俄羅斯界六年追議前定界時與俄使臣薩克鳴礮謝天並立木牌於定界處所旋焚之又擅納俄羅斯貿易人入界遂逮治以上三則無關掌故而有裨談時事者之考證故錄之詳見托時等史館本傳

臨川楊中丞護精相術乾隆甲辰成進士臚唱前一日

新進士會集

乾清門外公徧相諸同年謂友人曰今科榜眼探花當

是南北二邵

謂餘姚邵瑛  
天津邵玉清

第一人未見何歟嗣見一人

脫帽箕踞獨坐金缸旁公拱手賀曰龍頭在是矣亟詢  
姓名則會稽茹葵古香也少頃傳前十卷引

見以次唱名鼎甲皆如公言

全椒吳山尊學士蕤淵如先生妹婿也淵如先生以乾  
隆丁未榜眼及第山尊仍上計車其夫人贈行詩曰小  
語臨歧記可真回頭仍怕阿兄嗔看花遲早尋常事莫  
作蓬萊第二人山尊果以是科通籍入翰林雖大魁讓

人猶未滿紅閨期望然微雲夫婿柳絮才媛艷句流傳  
亦可謂倡隨佳話矣

道光乙巳楊簡侯方伯能格與會試分校是科覆試第  
一羅嘉福

殿試第一蕭錦忠

朝考第一孫鼎臣皆出其房亦稱罕有

崑山徐侍郎秉義康熙癸丑初入詞館適其弟立齋相  
國以掌院學士充教習秉義例投謁稱門生相國具疏  
陳謝

特旨徐秉義無庸教習科名嘉話足與大小宋弟不先

擢不公故先生借此抒感而讀是詩者謗議橫生不久遂湖山放廢矣

滿洲初爲部落名 國書本作滿珠二字皆平讀乾隆四十二年

上諭我朝肇興時舊稱滿珠所屬曰珠申後改稱滿珠而漢字相沿訛爲滿洲其實卽古肅慎爲珠申之轉音謹案淮南子曰東方多君子之國信哉莫古於肅慎竹書紀年帝舜有虞氏肅慎氏來朝貢弓矢史記虞帝紀北發息慎尙書序息慎來賀自後家語尙書傳孔子世家皆稱肅慎汲冢周書王會解西面者正北方稷慎息

稷與肅皆一音之轉也宋劉忠恕以金之姓爲朱里真  
蓋北人讀肅爲須須朱同韻里真二字合呼之亦卽慎  
字金亦肅慎之地忠恕誤以爲姓舛謬殊甚我

朝舊稱所屬曰珠申經

高宗欽定與金之女真同爲肅慎轉音可知

天貺大東數千年前早開楮矢信義之俗以待我

祖宗誕膺

景命混一神洲而東之爲位又適爲天地之所以成始

而成終於萬斯年洪基永固不待卜矣

今滿洲人自署地名多稱長白

竊謂不若珠申之雅切

西藏每歲獻丹書稱

上爲曼珠師利大皇帝曼珠譯言妙吉祥也又作曼殊  
室利按珠殊同音曼珠亦卽滿珠二字其易珠爲洲蓋  
由洲字義近地名故漢字假借承用之

盛京內務府尊藏

典訓宗器二百餘年寶守維謹屢有增加茲照光緒元  
年以前內府案卷敬謹著錄俾萬世臣民知我  
列聖顯謨承烈永奠洪基於發祥勦業之區尤爲鄭重  
視周荒邠館漢設新豐不啻相去萬萬也敬按  
敬典閣上層俱奉



九代聖容凡九箱

行樂圖四箱每歲春秋二分由陪京大臣恭晾

太廟供奉

冊寶凡五十八分

敬典閣中層尊藏

玉牒黃檔紅檔凡二百四十包

寶十顆

敬典閣下層尊藏

玉牒黃檔紅檔凡六十包

崇謨閣尊藏

實錄一千四百零三包

聖訓三百一十六包老檔十四包

實錄圖一匣又恭存

列祖

列宗所遺

御用鞍轡弓箭腰刀鎗劍囊鍵

高宗純皇帝御用朝冠朝珠朝帶袍褂鞍轡弓箭鎗劍  
腰刀囊鍵甲冑

仁宗睿皇帝御用朝冠朝珠朝帶袍褂鞍轡鎗劍腰刀  
準捷鎗撒袋弓箭

宣宗成皇帝御筆字掛屏鞍轡威禽鎗木桿鎗銀式件  
樺木鞘小刀子火鏹火紙筒

文宗顯皇帝御用鞍一副籐鞭一把撒袋一副弓四張  
箭三十六枝以及各

宮殿陳設一切金玉銅瓷物件金銀金條銀鏤書籍字  
畫冊頁並

文溯閣收存各書籍每值大員更替按照印冊查點一  
次專疏奏聞蓋慎重如此

嘉慶三年四川教匪首逆王三槐解京審訊時有官迫  
民反之供

仁宗皇帝聞之惻然

特諭褒擢廉吏劉清等以風厲天下當時民間聞者感泣至今誦之

國初睿親王多爾袞以元勳懿戚橫被流言乾隆間始特旨昭雪復爵予諡並以禮烈親王後人改封巽親王又改封康親王鄭獻親王後人改封簡親王豫通親王後人改封信郡王肅裕親王後人改封顯親王克勤郡王後人改封衍禧郡王又改封平郡王均非初封之名不足昭示後世悉命復還始封爵號我

先朝褒功錄舊如此河山帶礪亙古長延矣

雍正朝和碩怡親王允祥薨逝

賜諡曰賢

上睿性友悌眷念勿替

特旨以王生前所賜忠敬誠直勤慎廉明八字冠於諡號之上敬按怡賢親王修學好古爲善最樂固爲

本朝河間東平而

憲皇帝任遇枝戚慶命旁流有加無已若此漢和帝之同興其室唐元宗之長枕大衾方之蔑如矣

駱文忠公駁厯封圻不攜眷屬惟姪孫肇銓隨侍公歿後

溫諭軫卹二子四孫均

賞給科第官階肇銓亦蒙

恩以知縣選用飾終

懋典榮及旁孫他疆臣未嘗有也

婦人古無得謚者

本朝嘉慶間教匪之亂滑縣知縣強克捷殉難既

賜謚忠烈矣復

特旨謚其子逢泰之妻曰節烈道光朝臺灣之亂嘉義

縣縣丞方振聲子總馬步衢把總陳玉威殉難既破格

合謚矣

方曰義烈馬曰而辰聲妻張氏王或妻曹氏亦

特旨予諡節烈

前聖

後聖褒厲忠貞至於末秩麤官閨幃弱質仰蒙

優卹至此宜粵捻之變蓬門夫婦視死如飴者方州志  
乘累牘難書矣

筆帖式爲滿洲進身之一途今各衙門皆有額設候補  
者又盈千累萬視爲不足重輕矣按

國初如大學士達海額爾德尼兩文成公領侍衛內大  
臣一等公文忠公索尼諸人皆起家武臣以精通國  
書皆

特恩賜號巴克什巴克什卽筆帖式也

左都御史揆敘本謚文端雍正朝追削並

諭令於墓碑上改鐫不忠不孝柔奸陰險揆敘之墓

國初滿漢大臣多有稱某部承政某部參政者按承政

卽今尙書參政卽今侍郎左右承政卽今左右都御史

左右參政卽今左右副都御史

康熙初年內國史院大學士蘇納海直隸山東河南總

督朱昌祚直隸保定巡撫王登聯均爲輔臣鼇拜矯

詔論死八年

特旨昭雪並各予謚

蘇謚襄愍王謚愍愍朱謚勤愍  
一云謚勤愍一云謚勤各句誤



本朝優卹臣鄰恩禮醇渥惟身後給諡最爲矜重故自開國至道光朝膺易名之典者僅四百餘人有生官極品而歿不得諡者自同治初

兩宮垂簾訓政凡階一品皆

予諡近數十年遂爲定制矣

定例臣下諡典由禮部奏準後行知內閣撰擬舊隸典籍廳成豐初卓文端公入閣改歸漢票籤令兩侍讀司之凡奉

旨給諡者侍讀遵

諭旨褒嘉之語得諡文者擬八字由大學士選四字不

得諡文者擬十六字由大學士選八字恭請

欽定惟文正則不敢擬悉出

特恩又咸豐三年祁文端公面奉

上諭文武大臣或陣亡或軍營病故武功未成者均不得擬用襄字見鮑康

皇朝諡法考

本朝親郡王配享

太廟者通達郡王雅爾噶齊武功郡王禮敦巴圖魯

此按

巴圖魯三字卽慧哲郡王額爾袞宣獻郡王界堪禮烈

其名非勇號也

親王代善睿忠親王多爾袞鄭獻親王濟爾哈朗豫通

親王多鐸肅武親王豪格克勤郡王岳托怡賢親王允祥蒙古超勇襄親王策凌及同治五年奉

旨之科爾沁忠親王僧格林沁凡十三人

鮑氏謚法攷云親郡王配

享太廟者通達郡王武功郡王慧哲郡王宣獻郡王禮烈親王豫通親王肅武親王克勤郡王怡賢親王超勇襄親王策凌凡十三人崇川劉氏謚景因之一似自通達郡王至超勇襄親王共十二人而策凌別一人者其實策凌即襄親王之名鮑氏本不諳著書體例疏畧甚多此亦失攷之一端也又鮑氏仍王文簡謚法考之舊雅爾噶齊作雅爾額爾袞作爾袞界堪作階堪皆與會典通典不符

滿漢文武大臣配享者英誠武勳王楊古利信勇直義公費英東宏毅公額亦都忠義公圖爾格昭勳公圖賴

按昭勳即直義子忠義即宏毅子父子配角尤為極榮

文襄公圖海文端公鄂爾

泰文和公張廷玉文襄公兆惠文忠公傅恆文成公阿  
桂文襄公福康安凡十二人而漢大臣止張文和一人  
開國名相若文肅范公近時名臣若文正曾公文忠駱  
公胡公似勳德尙出文和右雖配食

清廟宜出

特恩未可具疏乞請惜樞府中無因事奏陳者

西河檢討嘗與閩百詩辨地理語多穿鑿百詩太息曰  
汪堯峰私造典禮李天生杜撰故實毛大可割裂經文  
貽誤後學不淺噫二百年來通儒輩出述作連楹觀玩  
全書瑜百瑕一津逮來學誠爲有裨獲免斯譏果幾人

哉

茶餘客話稱田山薑讀書掇拾字句有餽飣之目常云  
奇字古人所常用於古詩尤宜班馬等賦所以令人魄  
眼傾耳政由時出奇字襯貼之也阮氏記此蓋譏山薑  
之癖好新奇康祺案文人握管誠不宜專恃稗販致蹈  
獼祭雉竄之譏然詞句斑璘氣息典雅究愈於空疏不  
學冒襲八家者之所爲梅村漁洋之詩竹垞迦陵之詞  
未必不以掇拾爲始境若石笥駢文道古散體更可決  
其從餽飣得來特習貫運用便同腹笥自高聲價者類  
不肯如山薑直言耳

淮上願謁在瞻揚開沅禹江戴晟晦夫皆

國初闇修靜學之士梨洲先生講學甬上遂相約渡江  
問道齒隸門籍在瞻少時著習學錄頗謗陸王自甬上  
歸語門人云吾向日心粗膽大妄議先儒今從黃先生  
游乃知半生全在夢中因徧索習學錄焚之與禹江訂  
讀經史法求實學戒空談淮海後起翕然宗仰梨洲嘗  
取所選明文海摘加硃圈授其子百家是爲明文授讀  
版卽藏晦夫家見淮安府志及山陽阮氏淮故之三子  
者亦近世豪傑之士矣維桑寓賢亟宜綴錄  
又常熟郭孝廉大臨任俠尙氣桑海之交甯身黃冠徧

走江湖欲得奇才劍客而友之卒無所遇歲辛丑太沖先生讀書雙瀑寺雙瀑在萬山中人跡殆絕大臨忽走訪太沖問何以知之笑不答問奚自曰甬上見崑山顧景范所作傳及太沖所作墓誌是亦

國初一高士鄞州一寓公也

王漁洋謂吳俗有三好鬪馬弔牌喫河鮑魚敬五通神雖士大夫不免恨不得上方斬馬劍誅作俑者

張文端最惡馬弔之戲嘗鐫一圖章曰馬弔衆惡之門習者非吾子孫所藏書冊圖畫悉印之  
明季士大夫投刺率稱某某拜

開國猶然近人多易以頓首二字或曰康熙初鰲拜專  
權朝臣獻媚避其名也或曰鄂文端公當國時以其父  
名拜按公爲祭酒鄂拜子故題刺不用拜字中外靡然從之又屬

吏上大憲書向用恭惟大人四字自莊滋圃相國有恭  
總督南河僚屬具稟改爲仰維或作辰維又定例稱大  
學士曰中堂今陝甘總督湘陰左公入相後兩省官吏  
避宗棠二字之嫌名皆稱伯相比公晉封二等侯又稱  
爲侯相

長洲陸明府在新爲諸生時敦尚氣節刻苦自厲彭山  
築屋躬耕讀書以孝廉爲松江教授齋規方雅屏絕贅



幣湯文正公撫吳察其廉勤以卓異薦是歲江南七府一州諸長吏登啟事者僅君一人故事未有也既入都聖祖召見賜蟒服遷廬陵知縣大著聲績世稱文正之知人

高陽相國李文勤公霽以康熙二十三年薨於位四十九年

上追念勲勞

特旨李霽任大學士時始終恪慎懋著勤勞其孫工部主事李敏啟可超擢太常寺少卿以示優禮舊臣至意敬按主事之於常少僅越一階而有堂司之別大臣子

孫叨竊餘蔭京官至郎中外官至知府寵榮極已況事隔二十餘年

君臣恩誼猶復惓惓如斯伊古明良不數遘也

國初官號清語居多如噶喇昂邦卽今左右翼前鋒統領固山額貞固山昂邦皆卽今都統梅勒額貞梅勒章京皆卽今副都統蘇章京卽今護軍統領甲喇額貞甲喇章京皆卽今參領牛彖額貞牛彖章京皆卽今佐領一二三等總兵官世職一二三等昂邦章京一二三等精奇尼哈番皆卽今一二三等子一二三等副將世職一二三等梅勒章京一二三等阿思哈尼哈番皆卽今

一二三等男一二三等參將世職遊擊世職一二三等  
甲喇章京一二三等阿達哈番皆卽今一二三等輕車  
都尉盛京八門總管昂邦卽今將軍駐防昂邦卽今駐  
防將軍墨爾根蝦卽今蒙古侍衛札爾固齊卽佐理五  
大臣右見仁和趙雲門筆記所述康熙庸陋備官京朝  
未諳

國語不知趙氏之說果可依據與否姑節錄之以俟攷  
證

聖祖沖齡踐阼內大臣索尼蘇克薩哈遏必隆鼐拜竝  
受

顧命同輔政時號曰四大臣

咸豐十一年

文宗晏駕灤陽輔政諸臣躬侍

王几遂傳諭海內以載垣端華肅順景綬杜翰匡源穆  
蔭焦祐瀛爲顧命八大臣其實八人者特是日內直之  
員

上未嘗以元良付託端華肅順輩志在攬權故敢矯  
遺詔以養威引私人以自重也按康熙初輔政四大臣  
實出鼇拜目託見

聖祖諭旨鼇拜後竟伏法同治朝八大臣則誅鋤貶黜

無倖免者惟景綬以戚畹再起

康熙間漳浦藍公廷珍官福建水路提督公孫元枚由世職起家乾隆中官福建陸路提督廷珍平朱一貴之亂元枚與勦林爽文祖孫皆立功臺灣歿後皆

賜諡襄毅閩人至今稱大襄毅公小襄毅公

按文臣中祖孫同謚

者惟丹徒相國王書及公曾孫侍郎師錫其皆謚文貞世或稱侍郎謚文節誤也

國初直隸多詩人永平張蓋命士申涵光梟盟雞澤殷岳宗山稱畿南三才子三人皆遺民蓋陽狂自廢嘗獨游楚豫齊晉間歸則閉土室湛醉歌哭善行草王言高簡力詣古人涵光明忠臣佳允子潛心理學晚益名高

著有聰山集荆園小語諸書岳前舉人順治初除知睢陽甫至任卽投劾歸詩宗魏晉不喜作律詩所作古體莽莽然肖其爲人三人行誼自以涵光爲得中而逸軌貞操均非塵壒所有宜河朔人士至今稱道不衰也

聖祖幸索爾哈濟時喇里達頭人進青翅蝴蝶一隻謂能捕鳥又彩鶴一架謂能擊虎者

上命侍衛毋納厚賞其人而還之

聖天子不寶遠物如此

太祖高皇帝天命七年建東京於遼陽十年自東京遷於瀋陽

太宗天聰五年尊爲盛京

世祖入闕定鼎因明都順天府之舊稱爲京師營豐宅  
締構艱難億萬年不拔之基也

世祖幸南苑別殿夜半閱明孝宗實錄有召對兵部尚  
書劉大夏都御史戴珊事

心喜曰朕所用何遽不若珊大夏明日宣梁尚書清標  
及魏文毅詣

行幄備顧問

聖祖登極因旱求直言新例流罪皆徙烏喇

詔九卿會議沈文恪公荃謂烏喇距蒙古三四千里地

不毛極寒人獸凍輒斃徒流罪不當死不應驅之死地  
乃獨爲疏上之有

旨令畫一文恪持前議益堅且曰臣此議行三日不雨  
者願伏欺罔之罪

聖祖方冲齡改容納之越二日大雨盈尺新例竟罷  
道光癸巳江陰季文敏公芝昌以前科鼎甲散館閱卷  
大臣方定卷

上忽將尙書名簽

凡

殿廷試卷後用彌封卷面用小

紙名簽呈卷後

上親自揭簽始交

閱卷大臣

定甲乙

遣太監持問閱卷者第一是此人否並於名



硃筆書一魁字名下雙行書讀戴誰遣四字諸臣覆奏  
謂所擬首卷賦首是讀戴二字詩首是誰遣二字至是  
否季某臣等實不能知須臾又

命太監持兩名簽示大臣則皆

硃書劣字比拆封皆三等也翼日

召對有君臣一德之

諭尙書遂以丹魁名其堂

季文敏公丹魁堂年譜紀

宣宗立

文宗爲太子事甚詳確謹錄之譜云道光庚戌正月

上違豫久猶日

至奉三無私

敬按四字  
別殿名

召見辦事十三日

召見慎德堂

敬按  
宮名

寢僅軍機大臣大學士祁寯藻杜

受田尙書何汝霖侍郎陳孚恩季芝昌五人語良久十  
四日卯初刻諸臣甫入直已

傳旨召對凡十人蓋定郡王載銓及大軍機五人

御前大臣怡親王載垣鄭親王端華科爾沁王僧格林  
沁三人暨內務府大臣步軍統領尙書文慶也

上冠服端坐

命至榻前告以立

今上爲皇太子須臾

今上入

上取緘匣

硃旨傳示並

諭勉諸臣畢各退

今上命軍機五人同閱章奏移時甫還直廬忽急宣趨  
入驚聞

大行皇帝龍馭上賓矣朕祺按道學家言每以易寶啟  
手神志湛然爲生平學道之效況

萬乘天子臨御多年

羣期而不聞勸勤

大漸而從容審訓

綴衣當出庭之日

冕服無憑几之容

兢兢業業欽始欽終非

聖人其孰能之

季仙九尚書以道光壬辰第三人及第癸巳甫留館卽  
應大考復列第三擢侍讀己亥又值大考名單出則仍  
第三也擢少詹事具摺入謝

召見諭曰汝卷本定第一朕不知如何移置第三然第一不若第三巧合上次名數因

大笑故尚書紀

恩詩有九重知已溫言逮三度同符盛事傳之句

按尚書名

芝昌字仙九蓋取仙芝九莖之義 殿廷三試三列前茅遂躋華顯適符三三成九之數唐人詩官階科第皆前定其不然歟

世祖御宇之九年魏文毅公疏言少而勤學古人比之日出之光宜及時肇舉經筵日講以隆治本八年二月世祖親政公又言深居高拱不如詢訪臣鄰批答詳明不若親承顏色故事有朔望之朝有早朝晚朝內朝外

朝今縱不能如往制請一月三朝以副勵精圖治至意自是定逢五視朝之制

康熙辛未總兵官蔡元疏請修築邊牆

上初命閣臣集九卿於闕門外面詢可否以聞羣臣未及對

上復召大學士諭曰朕思衆志成城豈在邊牆諸臣叩首曰大哉王言臣等見不及此也所請遂不準行

康熙中廷臣章疏有德邁二帝功過三王語

上曰二帝三王豈朕所能邁且過哉

傳諭中外自後不許如是陸清獻公嘗謹述其事見三

良濟系圖 卷三  
魚堂文集中康祺謹讀

世宗硃批諭旨凡臣下奏摺媚茲過甚者無不

丹書申儆蓋我

朝家法然也

乾隆七年戶部侍郎三德疏言親蠶典禮與親耕並重  
前代制度未備

皇上敕建先蠶壇爲曠世鉅儀請將建壇址宮殿規制  
及興工告成日期

宣付史館以光盛典

詔從之

雍正九年大軍征噶爾丹策凌

上以川陝地廣又理軍需總督一員難於控制

特旨增設四川總督卽以四川提督黃廷桂補授兼管  
提督印務乾隆元年西陲軍務告竣裁川督廷桂仍爲  
提督後於十三年復設總督始爲定員

巴圖魯譯言好漢與元史稱拔都拔突霸都魯等類字

異義同

國語重在聲音凡同音之字皆可假借故翻譯互有同異

我

朝開國時禮親王代善首膺古英巴圖魯

賜號蓋其時

太祖征烏拉進攻屯寨代善最爲奮勇敢按代善爲



太祖高皇帝第二子可見當時重視勇號親藩儲貳之  
貴尙必從事邊垂武功懋著始享此三字榮稱近日軍  
營克一城奪一寨卽請保獎清漢字勇號凡有奮勇剛  
二字用勇字者謂之漢字勇號其無義可思字數多寡  
不等者謂之清字勇號漢字如藍翎清字如花翎積功  
遞加亦曰  
賞換累牘盈篇殊失  
先朝創制之本意矣

郎潛紀聞卷五終

誠奏請始

乾隆三十四年己丑科

殿試

欽定前十本常熟季學錦卷列一甲第三以引

見不到降三甲末咸豐己未科太平邵子彝卷列二甲

第一亦以引

見不到降甲

煦齋相國英和恩福堂筆記云余三主禮闈壬午科亦  
定江蘇元三日山陽汪文端公欲以廣東卷易之余不  
可會發喘疾精神委頓進卷之期又迫遂請同事公定

元卷竟將翁心存卷抑置而粵士呂龍光魁多士矣科場事非但去取有數卽名次先後亦有一定其不能強也如此按是科相國爲正總裁筆記云云是文端失元相國方引爲憾事然文端卒成名相公子同龢公孫會源相繼大魁天下可見鬱之愈久發之愈光馳驟名場原不嫌暫時少屈也

康熙十六年丁巳因軍興開科止四省一順天一江西湖廣附江南一福建附浙江一山東山西陝西附河南有鄉無會

雍正四年丙午科奉

上諭五經取中副榜及兩次中副榜者俱準作舉人體會試後不爲例

道光初元辛巳

恩科因疾疫流行順天鄉試展至九月舉行

萊陽趙崙閩仙康熙二十一年督學江南力矯時風清廉自矢過江擊楫曰某若一毫自私不能生渡江北矣於是干謁不行孤寒吐氣簠簋之風爲之一變見董舍三岡識畧

宣宗朝江陰季文敏公芝昌尤以詞章邀

容賞自十二年及第後大考連列高等疊奉山東浙江

江西學政主考之

命二十三年與考試差翼日召對

上嘉歎公文謂他人竭蹶喘汗不能到者汝則沛然有餘譬之於射汝穿楊百中矣公退以不失鵠名其齋方勤襄公維甸行狀云年十八入京

賜舉人內閣中書軍機處行走

本朝樞臣入直華要之年當無更少於公者按公一生歟厯有三大榮遇爲自古人臣未有之遭公始生時父恪敏公方總制畿輔彌月之辰恪敏適扈從

行在面陳後攜抱入

觀賞資駢蕃一也未弱冠

賜中書所聘雲南裴撫軍女猶未娶也會引

見垂詢命金壇于相國傳示裴中丞早爲畢姻嗣裴夫人歸甯滇南又有

旨下直隸制軍沿途促返二也公督閩浙以太夫人年逾八旬拜疏歸養後有

詔召贊樞務公奏稱臣母不能頃刻離臣臣又不能奉母就道懇辭

新命

上聞憫而許之乃輟召復加

賜珍物以遂其孝養之私三也

醴恩渥寵家人骨肉所未能體恤周至者

聖天子終始矜全乃無微不至如此百世臣僚宜何如  
踴躍感奮與詳見公行狀及惜抱軒集桐城科名錄  
沈琨初直軍機由中書選佛山同知以憂歸服闋阿文  
成王文端二公交章保留仍在軍機行走由御史出守  
泰安此嘉道後所罕有者

陽湖李申耆先生兆洛少卽絕特嚮學初應童子試縣  
令陳君以其年最稚而投卷最先疑詰之先生應答如  
流令曰汝卽歸吾不招覆汝矣通場必無及汝者招覆

非第一不可汝髫年初試卽蓋一邑非吾之所以期汝也遂在廳事書聯爲贈曰他日定成名進士乃翁真有好兒郎邑中傳爲佳話比應學政試督學仁和胡文恪公旣首擢復將先生原場及覆試卷刻成九學諸生各給一本曰歸家熟讀之母薄李生新進老夫衡文半天下未見有如李生者先生淹通天人學顓而博當其華年英發固宜如景卿麟鳳蚤著輝光而當時名卿大夫有風教之責者一士之身矜寵培護至此亦可謂難能已

或曰陽湖縣令識先生最先又激厲成全之此吏可云不俗贈聯僅以名進上相期何其陋耶余曰名進

士三字近人多濫用耳循名責實一朝曾有幾人令君期許未爲失當



林文忠公督兩湖日整飭淮綱許挑賣私鹽之窮民改悔投充肩販由各處官鹽子店給票挑赴四鄉賣完繳價此化莠爲良之第一法也

比年直省督撫奏報壽婦百歲者三家一河南故漕運總督袁端敏公甲三之母現任戶部侍郎保恆之祖母郭氏一廣東現任赤谿協副將周鳳山湖北補用副將周岐山之祖母陳氏一直隸道光戊戌會元王振綱之母杜氏皆親見七代五世同堂先後奉

特旨褒賞袁母年九十七王母年九十四皆援連閭計算之例以百歲請

旌周母則於同治十年實已馴致百齡矣項城之袁繼世名臣直節蓋猷著聞中外周氏兄弟從曾文正公轉戰東南奮力最蚤書勛最多卓然爲中興宿將振綱學問淵醇性淡榮利主講保定蓮池書院門牆鼎盛科目傳家畿輔儒流奉爲魁碩三壽母之子孫表表如此良由

天亶首出

聖善垂型聲教則朔暨南漸班僚則文經武緯以故期頤貞壽適在鼎鐘閎闕之門豈非

昌明之運

耶潛紀聞

卷六

聖孝之徵歟

同治初年賊擾江右南安戒嚴知府黎兆棠請其母馮氏出城暫避馮氏怒叱之並出簪環犒士命兆棠登陴死守賊攻益急則率鄉兵開城出擊之屢挫狂寇郡城獲全馮氏力也巡撫沈公葆楨以聞得

旨旌獎殆不愧古之夫人城矣

海鹽之陳本出渤海高氏相國文簡公官京朝時遂與平湖高文恪公聯譜會都御史華野郭公劾文恪怙寵納賄並指目文簡交結狀得

旨一并休致公奏辯謂臣宗本出自高譜牒炳然若果

臣交結士奇何以士奇反稱臣爲叔事乃得白

陳文簡公娶長洲宋文恪公女康熙間文簡由吏部侍郎巡撫廣西賓客入賀宋夫人獨愀然不悅者累日曰一門羣從咸列清華我夫子乃出爲粗官令我慙顏於娣姒矣見鮎埼亭集廣陵相國傷逝記蓋其時陳氏一門宗伯清恪公司空文和公丙齋司寇匏廬少宗伯皆官九列而夫人之姊妹夫太倉王相國海甯顧侍郎合肥李宮詹長洲繆宮贊亦同時以巍科清秩比踵朝端故夫人云然也門閥姻婭之盛簪組翩連史書罕見粗官數語較謝道韞天壤王郎一段議論尤矜貴已

陳文勤公世偕相

高宗十七年每敷奏及民間水旱疾苦必反覆具陳或繼以泣

上輒霽顏聽之曰汝又來爲百姓哭矣詳洪編修更生集中

海鹽陳太守漢精岐黃家言官禮曹時樞相和珅召令視疾太守咨於座主韓城王文端公曰此奸臣爾必以藥殺之否則毋見我太守謝不往和嫉之時已保御史乃出爲鞏昌知府復以事貶知州按文端爲乾隆朝名相同官非人何難臚列奸私獨達

天聽明正其攬權誤國之罪假手刀圭恐涉詭詐然和  
坤當日以上公懿戚手掌絲綸久領朝班非無小廉曲  
謹而

純皇擴寬大之度屆髦期之年政府相攻懼傷

聖意公一時忠憤激發嫉惡若仇容或偶爲此語揆其  
心術仍不失爲磊落光明頃見太守族孫其元庸閒齋  
筆記述之知非無稽之言矣

乾隆間粵東諸生謝啟祚年九十八猶入秋闈以年例  
當早邀

恩賜大吏每列其名輒力卻之曰科名定分也老手未

顏安見此生不爲耆儒一吐氣丙午鄉試果中式謝戲作老女出嫁詩云行年九十八出嫁不勝羞照鏡花生靨持梳雪滿頭自知真處子人號老風流寄語青春女休誇早好迷時同榜有十二齡童子撫君某鹿鳴宴紀盛詩有老人南極天邊見童子春風座上來一時傳爲佳話明年應會試

特恩授司業銜又三年恭祝

純皇帝八旬萬壽晉秩鴻臚卿瀕行

賜詩額以寵之又十數年卒蓋壽近百二十歲矣有見其殊卷履歷者先後三娶二媵舉十三男十二女孫二

十九人曾孫三十八人元孫二人此君非特登科年齒之高當爲

本朝第一卽家門鼎盛子孫衆多恐亦罕與比儷也余在京師粵中士大夫爲余言如此後見德清俞氏印雪軒隨筆亦載之當非譌語

乾隆戊戌會試金壇于文襄公韓城王文端公爲總裁文襄丁巳狀元文端辛巳狀元王出于門蓋師生也時于巳大拜王亦相繼入閣同考嘉定秦大成癸未狀元元和陳初哲巳丑狀元休甯黃軒辛卯狀元歙縣金榜壬辰狀元是時凡狀元在朝者無不入場而是科狀元



大庾戴文端公卽出金房後亦爲宰相繼兩總裁衣鉢  
洵盛事之希有者

按兩總裁四同考六狀元中韓城而外皆籍江南可見江南狀元之多

康熙間嘉定布衣孫致彌以都尉耿某薦

特旨賜三品服充朝鮮採詩使美除清秩亙古無儷士  
論榮之戊辰入詞苑旋望吏議起用至翰林學士

重宴瓊林已不多見而重賜及第則惟

本朝潘文恭公一人公以乾隆癸丑大魁天下至咸豐  
三年甲子一周公已早躋台輔而是科公子星齋侍郎  
曾瑩適奉

命典春官試公孫少農師祖蔭以前一年及第闈後公

與小門生稱新同年朱輪黃髮領袖

恩榮奉觴少子卽新貴之座師撰杖童孫乃清班之前輩遭遇福澤之隆科名門第之盛開闢到今無與抗手

大學士重宴恩榮者梁陽史文靖公貽直無錫嵇文恭公璜及公皆江蘇人

藤陰雜記載朱竹垞以帶僕充當供事出入內廷潘稼堂未以浮躁輕率有玷講官爲掌院牛鈕參劾原奏尙存康熙按大科初開廷臣原議處以閒曹如中行評博之類

聖祖特恩一二等咸入翰林詞館中以八股進身者咸懷忌嫉遂有野翰林之目朱潘兩檢討尤負盛名宜牛

鈕亟思鋤去也不然帶僕入直京官常事豈獨竹垞一人品學若稼堂尙玷講官誰復勝簪筆侍書之任哉

本朝科第世家如祖孫會狀父子鼎甲王漁洋戴荅塘載之綦詳余謂莫奇於鎮洋汪廷璵乾隆戊辰探花子學金辛丑探花儀徵陳嘉樹道光壬午傳臚子彝同治壬戌傳臚可謂無獨有偶陳氏父子會試皆中第一百二十五名尤奇

乾隆間

上齋內直諸臣嘗繪澄懷八友圖主之者漳浦蔡文恭公共七人則陳尙書惠華程文恭公景伊張文恪公泰

開觀總憲保二周學士長發玉章梁少詹錫嶼也汪文  
端公由敦秦文恭公蕙田作記武進劉文定公綸作長  
歌鉛山蔣侍御士銓代涂少空逢震作二律中有云地  
鄰海浣兼三島人異淮南正八公爲時傳誦咸豐之朝  
倭文端公亦嘗繪澄懷十友圖孫方伯衣言遜學齋集  
中有記圖中姓名惜未全舉

康熙己未宣城施愚山先生以監司膺薦重入長安其  
寓邸寄雲樓下老梅四月間忽開四花比鴻博

詔下先生與同寓高詠俱入翰林其南鄰孫卓會試以  
第二人及第茹薦馨一甲第三四君本同里遂應四花

之兆

曹文恪公秀先第在米市胡同乾隆癸巳邀程文恭公  
景伊嵇文恭公璜吳恭定公紹詩總憲張公若淮大司  
寇崔公應階少司馬蔣公元益仿耆英真率之會倡和  
極歡越四年戊戌易以蔡文恭公新周文恭公煌總憲  
羅公源漢時有七人元旦五百歲之句朱石君先生對  
以二老同年十九科蓋指蔡公也先是康熙戊子沈心  
齋閣學涵約勞介巖僉憲之辨汪涵齋少司農晉徵孫  
樹峰少宗伯岳頒張劬齋少司寇睿朱近庵少京兆口  
口爲五老會集於陶然亭用人生七十古來稀爲起句

各賦一律時五公年皆七十也乾隆戊子沈方伯世楓在京邀陳太僕兆崙周學士景桂朱鴻臚續經傳副憲爲詠作五老會亦有圖詠二事皆見藤陰雜記

臚傳次日諸進士禮部赴宴堂西北縣飛龍畫軸設香案謝

恩畫軸之設始於乾隆元年取龍虎得士之義也

石琢堂殿撰未遇時客游澄江客有習扶鸞術者叩之連作三魁字其後石鄉試第十三會試第十四殿試第一皆如左券殿撰獨學廬詩有而今始識榮枯事早定男兒墮地時之句卽指此也按扶鸞幻術什九虛無非

士大夫所宜崇信殿撰詠此蓋以科名前定富貴天生亦足使營營擾擾之徒各安義命庶不至紛爭冀倖喪其故吾爾

京師西山潭柘寺唐曰嘉福元曰龍泉明曰萬壽今日岫雲以山頂有龍潭又有大柘樹故相傳稱潭柘也柘久枯落入門而右有銀杏一株大台抱

聖祖臨幸寺中樹發孫枝一

高宗再幸又發孫枝一見石琢堂殿撰西山游記

善化唐確慎公鑑爲近代理學名臣

宣宗登極詔大臣各舉所知諸城劉文恭公瓌之薦起

之數厯外臺垂三十年開藩江左以疾告歸

文宗踐祚後有

詔召公赴闕進對十有五次時政利弊靡所不罄

上以其力陳衰老不復羈以職守令還江南矜式多士  
時公方主講金陵書院也乾嘉以來朝士宗尚漢學承  
學之士翕然從風幾若百川之朝東瀛三軍之隨大纛  
公獨潛究性道被服洛閭力踐精思與世殊軌亦豪傑  
之士矣公厯官中外廉惠衆著其官京師相從講學者  
倭文端曾文正何文貞桂珍侍郎吳廷棟侍御竇垿數  
公也

按公成嘉慶十四年進士授職檢討  
後由御史改員外故謚法無文字

耶潛紀聞

卷六

古



列聖巡幸木蘭蒙古諸台吉及四十八部盟長例於出  
哨之後恭進筵宴習武合歡有所謂塞宴四事者扈從  
諸臣多有賦詠一曰詐馬選六七歲以上幼孩文衣錦  
裸銜尾騰驤散鬣結髮不施鞍轡而追風逐電馳騁自  
如別樹大纛於數里外先至者受上賞餘亦

恩賚有差一曰什榜番樂也蕢桴葦籥頗有上古遺音  
酒半名王上公更迭獻技其聲容制度與中土之笙鏞  
簫管絕殊而佻鞠侏儸亦復自有節奏一曰布庫相撲  
爲戲也徒手搏擊分曹角力伺隙蹈瑕不專恃匹夫之  
勇勝者有卮酒羊臠之

合肥龔尚書憐才下士嘉惠孤寒海內文流延致門下  
每歲暮各贈炭資至稱貸以結客馬殿撰世俊未遇時  
長安過夏侔傑特甚袖文質公公讀竟歎曰李嶠真才  
子也贈金八百爲延譽公卿間明年辛丑馬遂大魁天  
下公卒竹垞輓詩有云寄聲逢掖賤休作帝京游者蓋  
深惜之也

長洲徐枋前明遺老甲申後卜居靈巖山側渲染丹青  
世稱絕妙將軍蔡毓榮督武昌遣使通書且餽兼金求  
畫枋笑曰明府正是殷荊州特吾薄顧長康不爲耳其  
峻潔如此

世傳湯文正巡撫江南屏騶從訪之枋堅不  
出陳祺案枋嘗與文正周旋人言妄也蔡毓

榮以明臣降順枋故絕之若文正者  
理學經濟枋所夙知何爲避而不見

吳江計甫草東讀書講學風趣異人嘗客鄴中訪謝茂  
秦葬處爲封土三尺餘立碣表誌至順德忽憶歸震川  
常佐此郡有廳記二首求其遺蹟不可得西向再拜流  
淚被面游泰山至日觀峰見豐碑屹立大書人子不登  
高不臨深卽杖策而下還吳見黃孝子向堅自稱弟子  
逸事尙多此特其最著者

寶應王白田先生年五十始通籍上書乞敎職雍正元  
年由安慶敎授薦入京師

特旨授編修直

上書房同直者大學士福敏尚書徐元夢朱軾侍郎蔡世遠皆公卿大臣先生以一窮老廣文驟廁其間進退雍容論辨經術不激不隨蔡公稱爲當今戴侍中於是輦下百僚莫不推敬蓋服膺朱子之效也程朱諸賢儻生

本朝康乾之間亦自得行其志

李徵君錯鐵嶺人隸廂白旗漢軍湖廣總督輝祖子錯雖貴公子而善詩文解音律放達不羈澹於榮利晚年卜築鴈峰山下畚礫爲圃雜蒔花藥性嗜茗每出游必使小奚負鐵鐺瓦缶纍纍夏觸有聲乾隆元年少司馬

德沛舉應鴻博科試不入格報罷二十年詔舉經明行修之士大司空趙宏恩兵部侍郎觀保交章薦錯以疾辭著述數百卷多有裨於經史之學與錯爲友者戴亨陳景元馬大鍊皆工詩宗法漢魏所謂遼東三老也

案雷

副憲鉉親學漸中有懷王布衣詩一卽景元

國初廬陵張學士貞生以道學名躬行尤卓絕蚤喜陽明良知之說晚乃宗師紫陽嘗制聖門戒律八條自警警世一穿窬之類多方鑽刺者是一患得患失鄙夫貧緣獵進者是一妾婦阿附取容者是一壘斷賤丈夫據爲奇貨者是一墻間乞人望門干謁者是一無忌憚小

人侮法作奸者是一德之賊游移不定者是一不遠禽獸淫蕩無恥者是康熙中議遣大臣巡察學士上書切諫被

詔引見以所言過懇下考功議免官

詔貶二秩其自爲詩云聖明豈是誠難格臣慙還應術未全可知其所養矣後

特旨復原職

聖祖天廬右文凡耆儒碩學名山著書者其姓氏多達睿聽一日李文貞奉獨對

上偶問今時夷退之士文貞以宣城梅文鼎關中李容

河南張洙對

上親筆記之御筆屢語廷臣嘉歎特至中外聞風因號  
文鼎等爲海內三隱

梅文鼎定九少攻推步之學著書滿家其天學疑問三  
卷經李文貞奏進

聖祖覽而善之四十三年巡江南

召見於

御舟中嗟爲雅士並惜其老

賜御書珍饌

命其孫穀成直內廷說者謂以算數被恩遇周髀以來

未之有也

宣城梅穀成泰州陳厚耀同直南書房正定算學諸書  
聖祖嘗召厚耀於

便殿問測景使何法厚耀不知

上寫西人定位法開方法虛擬法示之又

命至御座旁隨意作兩點

上自用規尺畫圖卽得相去幾何之法穀成直

蒙養齋

上亦授以借根方法諭之曰西洋人名此書爲阿爾熱  
八達譯言東來法也



幾餘召對時有指授自後二人之學彌益精邃穀成由  
進士官至總憲謚文穆厚耀以教授超授編修官至左  
諭德研覃微學授自

聖人討論祕書遂成不朽之盛業其爲榮幸豈有倫比  
與

武進臧鏞堂在東大儒玉林先生之元孫挈弟禮堂和  
貴屏棄俗尙獨抱遺經樸學清門厯四世不墜家法兩  
漢以後未有也鏞堂啞於口辨友朋羣居塞默相對說  
經堅守師說嘗謂戴東原所爲毛鄭詩好逞臆說以奪  
舊學惠定宇好用古字所校李氏周易集解與開成石

刻往往互異皆惠氏私改也鏞堂生平不喜疵繩古人而東原定字當代儒宗獨不肯違心依附世以爲得和而不同之誼

賈臻郡齋筆乘云岳斗南觀察與阿爲內閣侍讀時在大庫親見雍正中年大將軍與內閣公文封筒面書右仰內閣字大三寸許加朱直跋扈至此宜其及矣

部院各衙門值日八日一周咸有定序曰吏翰曰戶通詹曰禮宗欽曰兵常僕曰刑都大曰工鴻曰理鑾光曰內國凡朝官內直者皆從省文呼之一

世稱翰林院講讀學士無事日有事有事日無事詹事

府衙門開印日封印封印日開印蓋每翰林院直日講  
讀學士遞無事摺如有應奏事件則由掌院具摺而學  
士弗與也至於東宮官屬則政務清閒用印日少故有  
此對

太和殿墀品級山鐫正一品至九品文左武右合正從  
計之爲行四爲數三十有六恭遇

皇上升殿科道官立山旁糾儀謂之站山子卽宋人排  
班石遺制惟今範金爲山形爲差別耳朝官戲呼站山  
子科道爲天罡星蓋舉其數以相嘲也見郡齋筆乘

康熙間三逆削平

詔以詞臣曹未請封禪疏付廷議時張文貞相國秉筆  
逕請停止蕭山任岡卿干之方官六科亦上言封禪僅  
見司馬相如書不足慕效又云巡狩載虞典古諸侯各  
君其國天子巡所守以協同議禮制度今天下一家巡  
狩之禮亦可不舉

郎潛紀聞卷六終